

VEIÐIFÉLAG ÞJÓRSÁR

Veiðifélag Þjórsár tekur til fiskgenga hluta vatnasvæðis Þjórsár og þverár hennar sem eru; Kálfá, Þverá, Sandá/Hvammsá, Fossá, Steinslækur, Rauðalækur, Minnivallalækur, Skarfaneslækur, Hjallaneslækur og Kaldárholtslækur. Önnur veiðifélög eru um vatnasvæði Þjórsár /Tungná ofan við Þjófafoss. Starfræktar eru deildir við Kálfá og Minnivallalæk. Þær jarðir sem teljast aðilar að Veiðifélagi Þjórsár eru þær sem taldar eru upp í 3. grein samþykktu félagsins.

Nýtingaráætlun fyrir Þjórsá frá ósi að Þjófafossi

A) Gildistími

Nýtingaráætluninni er ætlað að fastákveða veiðitímann og kveða á um veiðinýtingu til framtíðar. Í ljósi ákvæða þessa kafla um endurskoðun á gildistímanum og ákvæða 24. gr. laga nr. 61/2006 um lax- og silungsveiði þykir rétt að nýtingaráætlunin gildi til 5 ára, frá og með 1. janúar 2022 til 31. desember 2026, að því gefnu að nýtingaráætlunin verði staðfest af Fiskistofu að fenginni umsögn Hafrannsóknastofnunar.

Telji félagsmaður tilefni til endurskoðunar á gildistíma nýtingaráætlunarinnar skal hann senda stjórn félagsins rökstutt erindi um ástæður hans fyrir minni eða aukinni veiðifriðun.

Verði tilefni til endurskoðunar nýtingaráætlunar skal stjórn Veiðifélags Þjórsár í samvinnu við Hafrannsóknastofnun leggja mat á hvaða markmiðum eigi að ná með aukinni veiðifriðun, hvort sérstækra aðgerða sé þörf varðandi einstakar ár og hvernig eigi að ná þessum markmiðum t.d. með minni veiðisókn stanga og neta. Tillögur stjórnar um breytingar á nýtingaráætlun skulu sendar félagsmönnum til kynningar með aðalfundarboði. Í kjölfar aðalfundar sendir stjórn félagsins breytta nýtingaráætlun til staðfestingar Fiskistofu að fenginni umsögn Hafrannsóknarstofnunar.

Endurskoðun nýtingaráætlunar við lok gildistíma hennar skal haga þannig að komi ekki fram breytingatillaga fyrir árslok 2025 skal stjórn félagsins senda óbreytta áætlun til 5 ára til umsagnar Hafrannsóknastofnunar og hún síðan kynnt á næsta aðalfundi félagsins og í kjölfarið send til Fiskistofu til staðfestingar

B) Markmið nýtingaráætlunar

Markmið nýtingar er að ekki sé veitt meira en svo að búsvæði laxaseiða séu vel setin.

Rannsóknir hafa sýnt að almennt er góð fylgni milli lax- og sjóbirtingsveiði og stofnstærðar í íslenskum ám.

Aðalfundur Veiðifélags Þjórsár ár hvert ákveður veiðitilhögun fyrir næstkomandi almanaksár, þ.e. hvort ráðstafa eigi veiði til félagsmanna eða til annarra en félagsmanna.

C) Veiðitími og veiðiaðferðir

Við ákvörðun veiðitíma er lögð áhersla á að tryggja megi sem best að stórlaxinn fái að dreyfa sér um vatnasvæðið og felur slík takmörkun í sér takmarkanir á veiði frá því sem heimilt er að lögum.

Félagið telur að eftirfarandi veiðitími sé í samræmi við varúðarreglu lax- og silungsveiðilaga og markmið laganna um sjálfbærni en, að endurskoða skuli nýtingaráætlunina sé ástæða til að ætla að draga þurfi úr sókn:

Á gildistíma þessarar nýtingaráætlunar er félagsmönnum Veiðfélags Þjórsár á vatnasvæði Þjórsár frjálst hverjum fyrir landi sinnar jarðar að veiða:

* Silung frá og með 1. apríl til og með 30. september.

* Stangveiði á laxi er heimil frá og með 1. júní til og með 13. september frá ósi að línu sem markast af landamörkum Votumýrar og Húsatófta að vestan, austur yfir Þjórsá að Kaldárholtslæk. Frá sömu línu er stangveiði á laxi heimil frá 11. júní til 24. september.

Daglegur veiðitími á laxi og göngusilungi á stöng fer saman frá kl. 7-13 og 16-22. Eftir 20. ágúst frá kl. 7-13 og 15-21. Daglegur veiðitími staðbundins silungs er frá kl. 8-21.

Til 10.júní er að hámarki heimilt að drepa tvo laxa á stöng á dag sem eru minni en 70 cm og skylt að sleppa öllum löxum sem eru stærri en 70 cm.

* Laxveiði í net er heimil frá 10. júní ár hvert til 3.október.

Öll net skal taka upp í tíu daga í ágúst, frá klukkan 22.00 10. ágúst til klukkan 22.00 20.ágúst.

Vikulegur veiðitími neta er frá kl. 10 að þriðjudagsmorgni til kl. 22 að föstudagskvöldi.

Veiðar í net séu í samræmi við fyrirmæli laga nr. 61/2006, um lax- og silungsveiði, að teknu tilliti til ákvæða nýtingaráætlunnar þessara.

Mælst er til að silungsveiði, net og stöng, verði ekki stunduð á laxveiðisvæðum 15 daga fyrir upphaf laxveiðitímans og að öllum laxi 70 cm eða stærri verði sleppt eftir veiði þar sem því verður við komið eftir 10.júní en fram að því er það skylt.

Framangreindur veiðitími og dagafjöldi er innan heimilda 17.gr laga nr 67/2006 um lax og silungsveiði.

Deildir og þverár geta ákveðið að veiðitími hefjist og honum ljúki síðar en þó ekki lengur en til og með 30. september. Sami veiðidagafjöldi á við um deildir og aðra félagsmenn sem veiða lax á stöng. Fyrir 20. febrúar ár hvert skal stjórn deildar tilkynna til formanns Veiðifélags Þjórsár hvenær næsta veiðitímabil hefist og hvenær því lýkur.

D) Reglur um netaveiði.

Eftirfarandi ákvæði laga nr. 61/2006, um lax- og silungsveiði, kveða á um þær takmarkanir sem þeir þurfa að sæta sem netaveiði stunda á félagssvæðinu.

22. gr. Gönguhelgi.

Í straumvatni eða hluta straumvatns þar sem veiði er stunduð með föstum veiðivélum skal fiskur eiga frjálsta för eftir miðju vatni og nefnist þar gönguhelgi.

Gönguhelgi tekur yfir þriðjung af breidd straumvatns um miðbik og ósasvæði skv. 1. mgr. 21. gr. Þó skal fiskur eiga frjálsta för eftir aðalstraumlínu, þótt skemmra liggi frá bakka en nemur þriðjung af breidd vatns.

Nú rennur straumvatn í kvíslum og skal þá haga veiði í hverri kvísl sem hún væri sérstakt vatn.

Nú greinir menn á um gönguhelgi eða aðalstraumlínu og skal þá skorið úr með mati skv. VII. kafla laga þessara.

27. gr. Veiðitæki og veiðiaðferðir í straumvatni.

Í straumvatni má við veiðar aðeins nota færi, stöng, lagnet og króknet.

Ekki má í straumvatni veiða fisk með krók eða sting eða í háf. Þó má nota þessi tæki til þess að bjarga á land fiski sem fastur er á öngli eða í neti. Ekki má veiða fisk með því að veita af honum vatni.

[Fiskistofa]¹⁾ getur, að fenginni umsögn [Hafrannsóknastofnunar],²⁾ heimilað veiðifélagi eða veiðiréttarhafa ádráttarveiði á göngusilungi á veiðisvæði sínu. Ádráttarveiði á laxi er einungis heimil í vísindaskyni og til öflunar klakfisks. [Fiskistofu]¹⁾ er einnig heimilt að leyfa veiði með girðingum og kistum þar sem sérstaklega hagar til, enda setji hún með sama skilorði ákvæði um gerð og notkun þessara veiðitækja umfram það sem segir í lögum þessum.

Ekki er heimilt að stunda samhliða veiði á stöng og veiði með föstum veiðivélum eða ádrætti á sama svæði í straumvatni eða svæði stöðuvatns þar sem göngufiskur fer um. ¹⁾[L. 81/2008, 8. gr.](#) ²⁾[L. 113/2015, 7. gr.](#)

28. gr. Fastar veiðivélar í straumvatni.

Lagnet og króknet skulu liggja frá bakka eða garði er gengur þvert á straum út frá bakka, beint út í straumvatn eða forstreymis. Leiðara má hafa frá krók, og telst hann hluti veiðivélar. Ekki má leggja lagnet svo að af verði gildra, og ekki má nota tvöföld net.

Á tímabilinu frá 20. maí til 30. september ár hvert mega net þau er í 1. mgr. greinir, á þeim svæðum sem lax gengur um, ekki vera smáriðnari en svo að 4,5 cm séu á milli hnúta, þegar net eru vot, og á sama við um leiðara frá krókneti eða öðrum föstum veiðivélum.

Veiðifélag setur reglur um gerð og möskvastærð silungsveiðineta á félagssvæði sínu ef ætlunin er að stunda þar netaveiðar á silungi. Slikar reglur skulu samþykktar af [Fiskistofu],¹⁾ að fenginni umsögn [Hafrannsóknastofnunar].²⁾

Milli fastra veiðivéla, hvort sem þær eru sömu megin í straumvatni eða ekki, skal jafnan vera hundrað metra bil eftir endilöngu vatni, þar sem skemmst er á milli þeirra. Þó má bil aldrei vera skemmra en fimmföld lengd veiðivéla frá bakka og út á vatn. Til fastrar veiðivélar telst fjarlægð hennar frá bakka straumvatns, svo og leiðari.

Ekki má fjölga föstum veiðivélum frá því sem var síðustu fimm árin fyrir gildistöku [laga nr. 53/1957](#), um lax- og silungsveiði. [Fiskistofa getur þó, ef sérstaklega stendur á og að fenginni umsögn [Hafrannsóknastofnunar],²⁾ heimilað fjölgun lagna.]³⁾

[Ef heimil veiðitæki samkvæmt lögum þessum þykja stofna viðgangi fiskstofns í veiðivatni í hættu er Fiskistofu heimilt að fækka föstum veiðivélum í því vatni. Skal áður aflað umsagnar [Hafrannsóknastofnunar]²⁾ og viðkomandi veiðifélags eða veiðiréttarhafa, þar sem ekki er veiðifélag.]³⁾

Ef sannað þykir að ákvarðanir [Fiskistofu]¹⁾ skv. 5. mgr. valdi tilteknum veiðiréttarhafa tjóni umfram aðra veiðiréttarhafa í sama veiðivatni skulu þeir veiðiréttarhafar, sem ákvörðunin er fyrst og fremst til hagsbóta fyrir, bæta tjónið. Skulu bætur ákveðnar með mati skv. VII. kafla laga þessara, ef eigi semur.

¹⁾[L. 81/2008, 8. gr.](#) ²⁾[L. 113/2015, 7. gr.](#) ³⁾[L. 157/2012, 20. gr.](#)

E) Reglur um stangveiði

Ákvæði laga nr. 61/2006, um lax- og silungsveiði segja til um veiðitíma, veiðitæki og annað sem snýr að veiðum á stöng.

Félagsmönnum og deildum er í sjálfsvald sett, innan ramma laga um lax og silungsveiði, hvaða agn er heimilað og hvort sett sé skilyrði í leigusamningum við útleigu eða sölu veiðileyfa að sleppa fiski. Mælt er til að stórlaxi, 70 cm eða stærri, sé sleppt eftir veiði frá 10.júní, en fram að því er það skylt.

Fjöldi stanga er bundinn við ákveðnar jarðir. Ef tekin verður upp stangveiði og þar sem nýlega hefur verið tekin upp stangveiði á jörðum sem áður var stunduð netaveiði, er heimilt án samþykkis félagsins að veiða með einni stöng fyrir hvert net sem tekið er upp og heimild er fyrir í lögnum um lax- og silungsveiði. Verði óskað eftir leyfi fyrir fleiri en einni stöng fyrir hvert net, skal stangarfjöldinn metin við lögboðið endurskoðunarferli nýtingaráætlunar. Þeir sem óska eftir að taka upp stangveiði í Þjórsá fyrir sínu landi og ekki hafa skráðar netalangir, sendi erindi þess efnis til stjórnar Veiðifélags Þjórsár með upplýsingum um fyrri veiði eða veiðireynslu.

Stangarfjöldi í Þjórsá:

Sandhólaferja – ein stöng

Sauðholt – ein stöng

Kálfholt – tvær stangir

Þjórsártún – fjórar stangir

Krókur – ein stöng

Akbraut – tvær stangir

Kaldárholt – tvær stangir

Fljótshólar, tveir bæir – fjórar stangir

Hólmasel – ein stöng

Selpartur – ein stöng

Ferjunes – tvær stangir

Sandbakki – ein stöng

Mjósyndi – tvær stangir

Egilsstaðatorfan, þrjú bæir – fjórar stangir

Urriðafoss – sex stangir
Þjótandi – tvær stangir
Skálmholt/Skálmholtshraun – tvær stangir
Votamýri – tvær stangir
Reykjabæir – tvær stangir
Sandlækur – tvær stangir
Stöðulfell – ein stöng
Þrándarholt – tvær stangir
Miðhús 1 – tvær stangir
Miðhús 2 – tvær stangir
Minna Hof – ein stöng
Stóra Hof – ein stöng
Minni Núpur – ein stöng
Hagi – þrjár stangir

Hliðarár:

Þverá:

Hagi – ein stöng

Fossnes – ein stöng

Kálfá - tvær stangir

Minnivallalaækur - fjórar stangir

Fossá - tvær stangir neðan Hjálparfoss – tvær stangir ofan Hjálparfoss

Sandá/Hvammsá - tvær stangir

Úr lögum nr 61/2006 um lax og silungsveiði:

29. gr. Stangveiði í straumvatni.

Við veiði með færi og stöng skal nota agn, lifandi eða dautt, sem fiskur eltir og tekur. Aldrei má við slíka veiði nota krækjur eða neitt annað sem festir í fiski honum að óvörum og án þess að hann elti það.

*Veidifélag eða veiðiréttarhafar, þar sem ekki eru veiðifélög, skulu setja nánari reglur um stangveiði á veiðisvæði sínu [fyrir tilgreindan árafjölda].¹⁾ Slíkar reglur, **nýtingaráætlun**, skal [Fiskistofa]²⁾ staðfesta að fenginni umsögn [Hafrannsóknastofnunar].³⁾ Sinni veiðifélög eða veiðiréttarhafar ekki þessari skyldu sinni getur [Fiskistofa],²⁾ að eigin frumkvæði, sett slíkar reglur.*

Í reglum skv. 2. mgr. skal kveða á um eftirfarandi atriði:

a. fjölda stanga sem á má veiða hverju sinni,

b. aðra tilhögun veiði sem nauðsynleg þykir.

Ef ágreiningur rís um skiptingu veiðitíma, veiðistaði eða endurgjald fyrir stangveiði milli veiðiréttarhafa er þeim sem telur sig vanhaldinn heimilt að krefjast mats skv. VII. kafla laga þessara, ef eigi semur.

¹⁾L. 14/2014, 1. gr. ²⁾L. 81/2008, 8. gr. ³⁾L. 113/2015, 7. gr.

F) Endurskoðun

Ákvæði þessarar nýtingaráætlunar fyrir vatnasvæði Þjórsár taka gildi frá og með 1. janúar 2022. Verði ekki óskað endurskoðunar á gildistíma nýtingaráætlunarinnar skal hún standa óbreytt til 31. desember 2026, en telji félagsmaður Veiðifélags Þjórsár tilefni til endurskoðunar skal hann senda stjórn veiðifélagsins rökstudda tillögu þess efnis, eins og segir í A-lið þessarar áætlunar.

Stjórn Veiðifélags Þjórsár hvetur félagsmenn til að virða ákvæði þessarar nýtingaráætlunar, sem sett er gagnbert til að vernda og viðhalda sjálfbærni fiskistofna í Þjórsáog þveráa hennar, vistkerfinu og um leið félagsmönnum öllum til hagsbóta.

Þannig samþykkt af stjórn Veiðifélags Þjórsár dags 2021

Oddur Bjarnason formaður Veiðifélags Þjórsár